

蔚恒齋

余奉

脩桃源縣志序



簡命總督江南河道職掌所
關歲屢周行巡視經過之
處除察核水汛物料及籌
畫堤埽工指授方略外輒

詢及地方情形城郭若何
倉庫若何學舍祠廟若何
公廨若何驛站若何田賦
之繁簡完欠若何戶口之
盈縮若何風俗人物之淳
漓盛衰若何無缺略否有

起色否折瘠疲而不能振
刷否目以識令茲者之賢
不肖而為之咨嗟為之獎
誨為之勸勉提撕期於共
底循良以仰荅

聖天子為國用人祿養臣工

之至意桃源古宿預淮濱
地元始改為桃源屬淮安
府天文兼徐揚分野地處
窪下險工林立昔年河決
為患民罹昏墊地方凋敝
閱舊志令人不堪卒目雍

正八年余在蘇萍任內為地擇人見睦令人尚誠實不事雕琢心地之復明白知其必能認真辦事於地方不無少補時任上海丞因詳委署茲土撫軍尹二

樂從焉越二年而實授既余來淮浦廉其政迹頗見稱於士民之口閱工過桃見邑中諸事果皆就緒地方之殊改觀迥非昔比余益勉之乾隆二年十二月

初九日余視河沿毛城鋪
歸宿桃之北門工睦令持
所脩桃源縣志請序余惟
志之作所以紀一邑之事
蹟使不至厯久而無傳且
以脩

國家採擇焉甚盛舉也邇
者

朝廷念紀載之重

特命督撫大臣纂脩省志檄
行府州縣取向所有舊志
悉以陳其間有殘缺不堪


者有並無鏤版者羽催飛
下殊費周章今搽管者毫
無援据其將何所取裁乎
缺一邑即不成全書後之
視今二猶今之視昔然而
簿書鞅掌寸短事煩日不

暇給能及此者蓋鮮矣況
桃源當水陸衝道尤為繁
劇也乎睦令能畱心於此
其可嘉也已至于志之體
裁宜酌古準今款目宜無
遺無混敘述宜簡當談括

援引宜確切詳明駐令以
孝友端方才可辦事而文
亦可觀保舉出身自能擅
長余不具論是序
皆

大清乾隆二年歲次丁巳臘

月念吉總督江南河道提
督軍務兵部右侍郎兼都
察院右副都御史高斌題
于清江官署



重修抵源縣志序
我

國家重熙累洽恩普
德洋海宇昇平河
流安軌幅員之廣
極於天外典策之富

甲於古今固已職方
遼師之所不能載內
史外今之所不能掌
者也猶復徵集遺
書輶軒四出南北
滄波溟渤之中北

窮赤磧紫塞之外
去中國億萬餘里
測日影於分至準
道里於圭線積數
十年勒成

皇輿圖考一書琅函燦

煥彼西京班土元和
郡國志隆擅美千
古其何足以語此
猗歟盛哉何治之隆
而文之蔚也然國有
紀載乃治統王統

之昭垂邑有志乘實
遵道遵路之明驗
邑統于郡統于省
省統于天下舉凡
象緯山川人物古蹟
典夫禮樂兵農方

維戶賦囊括邑舉
於一書之中尤先必
于邑志基之矣則
邑志一書其可漫視
乎哉予奉

簡命巡轄淮徐厯有年

矣褰帷所至而兩郡
十七屬之民情大俗
各有不同正不啻山河
之風景各殊也爰
沿爰度整飭綱維
期於一道同風以內

時雍之化由是知採
謠俗登紀載成一良
史信而有徵者必有
闕於世道人心也孰
以脩志者非留心地
方之良吏乎淮屬

之抵源乃濱河衝邑
向之記載寂寥寥康
熙初年前令蕭君
奉檄承命草創
急就缺略實多
迄今數十餘年事

與時更今楚南睦
君未宰此邦以治
之暇有志重修博採
遺文旁蒐故實增
新知而必當踵產
以增華以至戶口之

數貢賦之則河防漕
運聯貫于有焉乃
源祀秩公儀覈綜
於有典有則分爲
十卷列爲綱固有
美之畢登亦無幽

而不闡事呈物備指
列呈羅可稱斯邑
良史矣書成乞叙于
予余惟今之邑宰
猶古之百里侯也今
之邑士猶古之職方

書也

朝廷設官詔爵疆圉所
至民社繫焉風聲
所行教化繫焉而
於體國經野之方
辨土宜民之制無

不燭照數計而具經
畫良模睦君此書其
所以潤飾廣運昭
臨之化者心亦苦矣
功亦偉矣於以脩脩
郡志省志一統志者

採擇焉豈僅為樞
源一邑之書而已哉
今睦君仕優績最
調繁膠城猶奉
于此書之成而後行
也其真有闕於世

道人心者也遂不辭
濡筆而為之序
乾隆三年三月之吉
分巡淮徐等處地方
江南提刑按察使司
副使加八級紀錄十

次又軍功加一級呂維炳



重修桃源縣志序

躬逢

聖朝興圖之大幅幘之廣色涵
乎四海之外丕冒乎履
載之中雖唐虞三代未
有若斯之盛者也前奉

重修桃源縣志

序

一

聖祖仁皇帝詔徵天下志書
而窮鄉僻壤之記載
無不羅而致之

輦轂之下藏諸

天府以備參考嗣奉

世宗憲皇帝命大脩一統志因

而各省之志有脩寫各
郡之志有脩寫於孰非
由每縣之志彙輯而成書
者乎倘縣志殘缺則纂
脩無本邑乘雖小其有
闕於

王府之圖籍非淺鮮也予自
丁巳夏奉

天子命來守淮郡而桃源為
淮之屬邑宰睦令係
滿湘俊彥犀玉賢良
初來進謁予詢其邑